



Manyevol

Ar yolt ke manyevol co tir moledjol. Voxen nekev man yolt, manyevol me tir moledjaf atelatoraf sulem rokoartokas va jontikote sinka. Tیره, vieleafe vase tir vas cugon 850 g- bad tol-san-balemoy bartiv ; ison manyevol tanvelon ok loon dile getiner ! Kotviele sinka tir aultovesa (viele in va kon miigaf bedakol akoles ok bakayan ok tuacayan tulon al aykar), pune me bedjindar voxə kosuxədəson va atelaki lev nolda ok madason mo aal (kire dekson gruticumar), va eksa flavar. Bat « blotak » tid tcastaf moe tawavo va man sonoy decemiray. Ara vunda tir : manyevol va govitaf fled ke irubaxo alkejar ; tire for tir pinaf isen in va tcabanexopo welmotaf go 125 ik 1500 km² kare wivgafe aultove olegar. Koe manyevolye va tawavo liknon rojar lize toloya ok baroya manyevolya rodorubad.

Abrotce : 70 - 105 cm- (is 20 cm- ke ault)

Aldo : 10 - 19 kg.-

Bliirugal : mon 13 tanda.

Yasama. Ant toloy ok baroy manyevoloc bak bareaksat ok balemeaksat koe luva tugadiyana leve trovagayan aal ok wale pistok ok koe le gan gadikya koblid. Luva ga gamama is tij is rodaf werd zo udayar. Koe Norga bata brava, jontkviela suxayana koe noldazuva ok kevrite kirrama, va tanoy ok toloy erlit abrotcaf vas 5 ik 10 m- dikir. Oc remi baroy aksat zo anvrodad aze ba klaa vas tanoya tanda, va wivgama oxam toz tcabaned. Wali tolda is balemda silukon rodenzabalketed.

Manyevol tir gijarotif is govitapaf sulem, nek plaxaf is oblif vox dademon velvus. Fentugalon, va tolsanoye ok bar-sanoye decitmetre bad tanoy mielcek fereon rotexuler, satcon tcabaneteson va bedakol. Koe *taiga* lentefa aala ke Skanda is Sibira is Lentefa Amerika giblir, voxen ko ruga dile illanir ise va coyunta nobar lize noldabada tir vafa go 50 ik 70 cm- ok loon.



Manyevol to bak fentugal va jstaf bedakol is crogol ke fiancek oxam vangir. Ban toloy sulem va 45 ik 75 tuxedeemaco ke irafa rianka tadok. In va sin onser aze dekapan iper. Bak mil cadim, va libol dire malestur. Va wirokaxa koe tcabanese ikse dace vumber. Voxe go awalokda ik xim ke idatcol va ant dile tuvalear.



Vamoeni, manyevol mo bedakolok wewer aze agyudur aze ayar.



Manyevol va trefaf ineeim dir, i va mantapafa tira dem abrotcaf vitoda delapafa is lirafa. Inaf abrotcaf nyet tir lekaf is loxon vorkaf. Toloxy oblika tid anamikfa is pinufa vaviale fene. Dunol va bar-antuyotya talpa dir.



Bat manyevol ken aal su ticumar enide wir kase ato ik zverok koe betsave ke ulim ko tid. Va mecoba al trash nime mo rodafa gama grabler. Banlize pitason ker ; eke-kona wivga pokolarir, pune wilupon titanir oke moon lpeson grabler.

Manyevol nekev strokafa berdelo tir kallaf is oblif. Koe lava ik moe sid ik koe aal tcabaner ise kare cadim va kabay ik zveri ik moukol ik abroxim malestur. Baroy manyevol vumbes va awalokda ke bedakol ison zo wiyd. Somestobar ise rion pujer.

